

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

61. Quid in jure sit & significet manualitas, & unde insit beneficiis.

[urn:nbn:de:hbz:466:1-74477](#)

Queres 57. A quo Prælato hac licentia concedenda est?

Respondeo: probabilius sufficere licentiam Prælati, cuius tunc est ille religiosus, nisi obster speciale statutum vel privilegium (sicut in Societate Jesu licentiam ad Prælaturam nullus concedere potest præter Generalem illius) Sanch. n. 65. citans plures alios. Castrop. n. 19. contra Franc. Calder. &c. dicentes, necessarium licentiam illam concedi à Prælato, in cujus manibus religiosus ille emisit professionem.

Queres 58. Quid si Prælatus neget licentiam?

Respondeo: si injuste id faciat, compellendum à suo Superiori; tunc autem injuste eam censetur negare, ubi non solum utilitas, sed & necessitas Ecclesiæ urget. Gl. in c. quam fit. 18. q. 2. V. ad ordinandum. Anch. ad c. si religiosus. de elect. in 6. nu. 4. Gamb. de auctör. Legati à laterel. 8. c. ultimo. nu. 23. quos citat & sequitur Castrop. loc. cit. n. 20. quamvis enim utilitas Ecclesiæ, ad quam promovendus, sit causa sufficiens, ut hanc licentiam concedere possit juxta tex. c. pro utilitate. 16. q. 1. non tamen tenetur Prælatus ex obligatione utilitati isti Ecclesiæ secularis providere, præsumtum ubi talis religiosus etiam suo Conventui foret utilis. Castrop. loc. cit.

Queres 59. Quot vota habere debeat Regularis, ut obtingat beneficium secularare, cuius provisio pendet à pluribus suffragatoribus, sive fiat per electionem, sive per postulationem, sive per presentationem, vel nominationem, aliquamque vocationem seu provisionem &c?

Respondeo: si est regularis, cujuscumque denum ordinis mendicantium, & beneficium Prælatura; secùs est, si beneficium est simplex v.g. Canoniciatus. Lamb. de jurep. l. 2. p. 1. q. 7. a. 20. Sanch. loc. cit. n. 50. quos citat & sequitur Castrop. loc. cit. §. 2. n. 2. uti &c. si est curatum absque jurisdictione; nimurum parochiale, quia hoc propriè non est Prælatura, & constitutio, de qua pauci post, penalitatis & exorbitantia à jure antiquo. Castrop. n. 9. citans Sanch. loc. cit. n. 56. contra Lamb. loc. cit. Franc. & Anch. in c. quorundam. de elect. in 6. Et extra administrationem proprii ordinis (probabilis enim, quoad non mendicantes exceptiunt Prælatura propriae Ordinis juxta Castrop. n. 6. contra Sanch. n. 49. & alios ab eo citatos) eget omnium eligentium votis; ita ut vel uno deficiente vel contradicente jus nullum illi acquiratur ad dictam Prælaturam, nequeatque ulla tenus consentire etiam accidente licentiæ proprii superioris regularis, etiam Generalis, fitque talis ejus vocatio omnius irrita. Si verò est religiosus non mendicans, cujuscumque demum Ordinis, requiritur & sufficit major pars eligentium; sic expressè statuit Bonifac. 8. & habet textus cit. c. quorundam. disparitatis hujus rationem hanc assignant Lamb. loc. cit. n. penult. Sanch. n. 44. apud Castrop. loc. cit. n. 1. quod mendicantes ob professionem excellentioris paupertatis & vita magis fugere de-

beant lites, & discordias, ambitionisque vias. Porro circa posterius observandum ex Castrop. n. 2. dum suffragatores jure Collegii, seu quatenus sunt pars Collegii, suffragantur, necessariò requiri maiorem partem votorum, quæ talis est respectu totius numeri acti eligentium, adeoque requiri, ut v. g. ex 10. votis datis habeat pro se adminimum 6. (non obstante textu requirente solum, ne à minori parte fiat electio, cum hoc ipso tacitè insinuet faciendam à majore parte. Castrop. ibid.) si verò suffragantur jure solum proprio, & singulari, sufficere habere absolutè maiorem partem votorum; hoc est plura præ aliis nominatis v. g. ex 10. habere solum 4. dum reliqua 6. divisa sunt; scilicet tria data trix, & alia tria Cajo, juxta c. quoniam. de jure pat. quod si tamen eriam in hoc casu, dum nimurum singuli suffragantur jure privato; à 4. v. g. tantum data fuissent vota pro uno, reliquis non pronuntiantibus suum votum, non dicitur electus à majore numero, forēque electio talis adhuc nulla. Castrop. ibid. citans Sanch. & Lamb.

Queres 60. An igitur regularis mendicans creatus Episcopus, si eidem conferatur alter Episcopatus, debeat iterum in hac secunda electione eligi in concordia, sufficiatque non mendicantem in hoc casu eligi à maiori tantum parte?

Respondeo: tametsi negativam probabilem reputet Castrop. n. 4. eò quod talis jam exceptus ab obligationibus Religionis, indueritque statum superiorum; textusque loqui videatur de solis religiosis indigentibus licentiæ religiosi Prælati, decretumque hoc insuper sit odiosum & restrictivum electionis à jure communi statuta. Affirmativam tamen putat probabilem, & in praxi tendam ob communem DD. sensum; & quia, et si ab oneribus Religionis talis sit exceptus, non tamen à substantialibus Religionis, quia verè religiosus est, citatque pro hac parte Gl. in cit. c. quorundam. V. religiosus. & Sanch. loc. cit. n. 28.

PARAGRAPHVS III.

De qualitatibus Beneficii manualis & perpetui &c.

Queres 61. Quid in jure sit, & significet manualitas, & unde insit beneficii?

1. **R**espondeo ad primum: manualitatem in jure nihil esse aliud, quam rei tanquam juris nostrri apprehendenda, abducendaque facultatem; argumento l. tertius. ff. de servis export. l. si hac lege. ff. de ius vocand. ut fuse Briffon, de verb. juris signif. apud Lott. l. 1. q. 33. n. 1.

2. Relpondeo ad secundum: hanc qualitatem beneficiis aliquibus inesse non à jure communi, sed contingibiliter, & quasi extrinsecus advenientem. Lott. ibid. n. 3. siquidem perpetuitas est alias qualitas propria beneficii. Castrop. de benef. d. 1. p. n. 4. Unde & in dubio beneficium presumitur non manuale. Castrop. loc. cit. nu. 16. exprimendaque est manualitas, & probanda ad evitandam subreptionem explicite, si beneficium est secularis; si verò est regulare, sufficiet id fieri implicitè, narrando himirum

Cap. II. De Beneficii Eccl. divisione

nimirum regularitatem. Lott. n. 4. Porro in beneficiis secularibus constituitur hæc qualitas manualitatis in substantia beneficij vi dispositionis adjecta in limine fundationis per fundatorem tam Clericum, quām laicum: in regularibus verò non tam afficit naturam beneficij, quām sita est in obedientia; & procedit ex virtute professionis religiosi; hic enim, cùm sit sub obedientia sui superioris, nec habeat velle aut nolle, statim ac revocatur, cogitur beneficium dimittere. Lott. n. 5. & seq.

Quares 62. Num beneficium manuale per præscriptionem quadragenariam posse amittere manualitatem, & fieri perpetuum; & contrà perpetuum fieri manuale?

Respondeo affirmativè: dum nimirum inducitur consuetudo manualitati contraria, qualis foret dum tentans revocare beneficium impeditur (intellige ab alio, quām beneficiato ipso); si enim is solus per potentiam resisteret remotioni, & esset refractorius, inducere consuetudinem rationabilem, & præscribere nequirit, quia careret bonâ fide, argumento c. cum inter vos de consuetudine. & c. cum non licet. de præscript.) quia hac esset contraria potestati revocandi, secus verò est, dum consuetudo non contrariaretur manualitati, qualiter ei non contrariatur omisso revocationis, modò ea sit libera: beneficium enim manuale non dicit revocationem, sed potestatem expeditam revocandis adeòque dum conferens beneficium haber hanc potestatem, et si per mille annos nunquam ficeret revocationem, non inducitur consuetudo contra manualitati; ita ferè Castrop. d. 1. p. 5. num. 21, concilians sententiam hoc in puncto negativam (quām alias absolute tenet Rebuff. de paci. poss. num. 277. Abb. in c. ad nostram. nu. 11. Sanch. in decal. c. 29. n. 117. contra Gamb. de off. Leg. l. 4. c. 1. nu. 19. hoc nixi fundamento vero, quod ex actibus meræ facultatis induci nequeat consuetudo juxta c. Joannes de Clericis conjug. & l. qui jure familiaritatis, ff. de acquir. poss.) cum affirmativâ.

Quares 63. Num beneficium perpetuum juris patronatus per patronum, accidente consensu Ordinarii, posse fieri manuale, & ad nutum amoibile?

Respondeo: Navar. l. 1. conf. 9. vel juxta impressionem Venetam conf. 11. de off. ordinari. multum inclinare in partem affirmativam (in quo casu desineret esse beneficium ab Episcopo conferendum, perditque patronus jus presentandi ad illud, & acquiriri libertatem ponendi & tollendi, quando & quoties voluerit. Corrad. in pr. benef. l. 1. c. 6. n. 287.) eo quod expedit Capellanias juris patronatus esse potius manuales, quām perpetuas; cū sic Capellanus magis incumbat servizio Capella, & impletioni oneri, meliusque vivat ob timorem amotionis. C. de Luca. de jurep. d. 15. n. 11. ait: multum sibi placuisse hanc Navar. rationem, satisque visam probabilem, unde plus quām centies consuluerit voluntibus pie disponere, ut ab erectione beneficiorum juris patronatus abstinent, & erigerent, seu fundarent hujusmodi Capellas manuales tanquam species pii legati, absque Ordinaria auctoritate; tum etiam ad evitandum devolutions seu derogationes, aliisque beneficia-

lium subtilitates, ob quas jus patronatus amitti vel inutile reddi solet: verum tamen de stricto jure videri sibi id non sufficere; quia cùm beneficium jam constitutum sit in statu suo perpetuitatis, beneficis secularibus connaturalis, ista immutatio sapere videatur speciem aliquam alienationis vel dismembrationis, quā eriam in spiritualibus sine causa & solennitate prohibita sit.

Quares 64. Num hec qualitas manualitatis insit beneficiis regularibus omnibus, & contrà ab sit à secularibus?

Respondeo negativè: et si enim beneficia secularia præsumantur perpetua, quia ferè omnia secularia sunt perpetua. c. i. de Capell. Monach. & Gl. ibi. c. veniens. de filiis presbyt. apud Castrop. loc. cit. n. 16. regularia econtra præsumantur manualia, quia ferè omnia sunt talia, Gonz. ad reg. 8. gl. 5. apud Castrop. interdum tamen regularia sunt perpetua, & secularia sunt manualia; quia sic constitutum ex fundatione, vel privilégio Apostolico, vel præscriptione. C. de Luca. de benef. d. 97. num. 5. Castrop. loc. cit. Gonz. n. 8. Garc. p. 1. c. 2. num. 72.

Quares 65. Num ex eo, quod quis ordinetur sacris ordinibus ad titulum beneficij, v.g. Capellaniæ ad nutum amoibile, illud amittat hanc qualitatem manualitatis seu amoibilitatis?

Respondeo negativè: maximè si fiat absque consensu patroni: non enim potest Ordinarius, etiam cum consensu patroni tollere vel mutare qualitatem fundationis. Garc. loc. cit. n. 91.

Quares 66. Num manualitas cadat in beneficia parochialia secularia?

Respondeo probabilius, quod non: et si enim Castrop. cit. num. 16. dicat istiusmodi beneficia raro vel nunquam esse manualia, & Corrad. in pr. benef. l. 3. c. 9. n. 36. & seq. in Ecclesiis parochialibus difficulter admitti manualitatem, quia parochorum remoto & variatio non leviter præjudicat Ecclesiæ; Rota tamen, ut restatur Gonz. cit. num. 6. postquam eadē ex causâ dubitasset, an laicus fundans Ecclesiam parochiale possit parochum constituere ad nutum amoibilem, in partem negativam inclinavit, Corrad. l. 3. c. n. 2. & habetur decretum S. Congreg. ad c. 18. sess. 24. quo dicitur: Rector semel deputatus non poterit ad nutum amoveri à patronis, etiam quod allegarent esse in possessione sic faciendo; etiam si jus patronatus esset alicuius communitatæ, sed perpetuò illius Ecclesia permanebit: Unde etiam si Ecclesia parochialis unitur monasterio, ita tamen ut per secularis regatur, etiam si is à monasterio præsentetur, non poterit ullatenus ab ista Ecclesia, nisi per Episcopum ex rationabili causâ removeri, consuetudine etiam vel statuto quovis contrario non obstante; sic enim definit ex presse Bonif. 8. in c. unic. de Capell. Monach. in 6. adeoque non erit beneficium manuale, sed erit Vicaria perpetua. Gonz. gl. 5. cit. n. 52. quia ista Vicaria non est regulare beneficium, sed secularis: proinde secularis beneficii naturam teneret debet. Castrop. loc. cit. n. 18.

Quares